

1. საქართველოს სასჯელაღსრულებისა და პრობაციის სამინისტრო (შემდგომში -სამინისტრო) გეგმავს, მის დაქვემდებარებაში არსებულ პენიტენციურ დაწესებულებებში მოთავსებული ბრალდებულის/მსჯავრდებულის, სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველოს სავალდებულო სამხედრო მოსამსახურეთა და პენიტენციური დეპარტამენტის სპეციალური დანიშნულების ძალების მთავარი სამმართველოს მომსახურეთა კვებითი მომსახურეობის შესყიდვა განახორციელოს მაქსიმალურად გამჭვირვალე, საიდუმლო შესყიდვის ახალი ელექტრონული პროცედურებით.

სამინისტრო, კვებითი მომსახურების შესყიდვას ახორციელებდა ელექტრონული ტენდერის მეშვეობით, რომელიც მოიცავდა კვებითი მომსახურების უზრუნველყოფას, კერძოდ საკვები პროდუქტების შესყიდვას, ტრანსპორტირებას და საკვების მომზადებას, თუმცა აღნიშნული მომსახურება არ ფარავდა:

ა) კვებისთვის საჭირო ინფრასტრუქტურის მოწყობას (მანქანა-დანადგარების და სხვა ინვენტარის შესყიდვას, მათ პერიოდულ, მიმდინარე და კაპიტალურ შეკეთებას);

ბ) კვებითი მომსახურების გასაწევად საჭირო კომუნალური ხარჯების ანაზღაურებას;

გ) კვებითი მომსახურების გასაწევად საჭირო ობიექტების სარგებლობისთვის საიჯარო ქირის გადახდას და საჭიროების შემთხვევაში, სამშენებლო-სარემონტო სამუშაოების ჩატარებას, საკომუნიკაციო გაყვანილობების ექსპლუატაციას.

ვინაიდან მითითებული საჭიროებების უზრუნველყოფას ახდენდა სამინისტრო, კონტრაქტორი კომპანიები, სათანადოდ არ უფრთხილდებოდნენ გადაცემულ ქონებას და არარაციონალურად მოიხმარდნენ ელექტროენერგიას, ბუნებრივ აირსა და წყალს, რაც მნიშვნელოვნად ზრდიდა სამინისტროს მიერ გაწეულ ხარჯებს.

სამინისტროსა და კომპანიას შორის ვალდებულებების ამგვარი გადანაწილება მუდმივად იწვევდა დავას, რაც უარყოფითად აისახებოდა კვებითი მომსახურების ხარისხზე.

ვინაიდან, კვებითი მომსახურება მიმწოდებლისათვის წარმოადგენს წმინდა კომერციულ პროექტს, იგი არ უნდა მოიცავდეს სოციალურ კომპონენტს შესაბამისად, კომპანიამ თავად უნდა უზრუნველყოს კვებითი მომსახურების გაწევასთან დაკავშირებული ყველა ხარჯის ანაზღაურება.

პრაქტიკის ანალიზმა ცხადყო, რომ მიზანშეწონილია დაინერგოს შესყიდვის ახალი მოდელი, რაც უნდა უზრუნველყოფდეს კვებითი მომსახურების მთლიანი სერვისის შესყიდვას, მათ შორის:

ა) გამარჯვებული კომპანიის მიერ კვების მომსახურების გაწევისთვის საჭირო ინვენტარის, ტექნიკის და ფართის სასყიდლიანი იჯარით გადაცემას;

ბ) შესაბამისი საკომუნიკაციო გაყვანილობების გამართული ექსპლუატაციის უზრუნველყოფა;

გ) კომპანიის მიერ კომუნალური ხარჯების ანაზღაურებას;

დ) კომპანიის მიერ ინვენტარისა და ტექნიკის პერიოდულ, მიმდინარე/კაპიტალური შეკეთებასა და განახლებას;

ე) იჯარით გადაცემულ ფართზე კომპანიის მიერ საჭირო სამშენებლო-სარემონტო სამუშაოების ჩატარებას.

„სახელმწიფო საიდუმლოების შესახებ“ საქართველოს კანონის ამოქმედებასთან დაკავშირებული ნორმატიული აქტების დამტკიცების თაობაზე“ საქართველოს მთავრობის 2015 წლის 24 სექტემბრის N507 დადგენილების დანართი N2-ის 24-ე მუხლის „ა“ ქვეპუნქტის თანახმად, სახელმწიფო საიდუმლოებას მიეკუთვნება იმ ობიექტებისათვის ჩასატარებელი და ჩატარებული საპროექტო-სამშენებლო და სარემონტო სამუშაოების შესახებ ინფორმაცია, რომლებშიც განთავსებულია ან უნდა განთავსდეს საქართველოს სასჯელაღსრულებისა და პრობაციის სამინისტროს პენიტენციური დაწესებულებები, პენიტენციური დეპარტამენტის სპეციალური დანიშნულების ძალები, საბადრაგო და გარე დაცვის სამსახურები, აგრეთვე, ცნობები აღნიშნულ ტერიტორიაზე მშენებლობის დროს გამოყენებული სამშენებლო-სარემონტო მასალის, ტექნიკური საშუალებებისა და ძალების შესახებ.

ვინაიდან პენიტენციურ დაწესებულებაში ჩასატარებელი და ჩატარებული სარემონტო-სამშენებლო სამუშაოები მიეკუთვნება სახელმწიფო საიდუმლოებას, ხოლო გამარჯვებული კომპანია ვალდებული იქნება განახორციელოს პენიტენციურ სისტემაში სარემონტო-სამშენებლო სამუშაოები, კვებითი მომსახურების შესყიდვა, რომელიც მოიცავს პენიტენციური დაწესებულების ფართში სარემონტო-სამშენებლო სამუშაოების შესყიდვას უნდა განხორციელდეს საიდუმლო შესყიდვის გზით, „სახელმწიფო საიდუმლოების შესახებ“ საქართველოს კანონით განსაზღვრულ სახელმწიფო საიდუმლოებასთან დაკავშირებული სახელმწიფო შესყიდვების ობიექტების ნუსხისა და შესყიდვების განხორციელების წესის დამტკიცების თაობაზე“ საქართველოს მთავრობის 2016 წლის 11 ივლისის №321 დადგენილებით განსაზღვრული წესით.

2. სამუშაოების შესრულების და მომსახურების გაწევა ხდება საქართველოს მასშტაბით არსებული ყველა პენიტენციურ დაწესებულებაში.

3. მომსახურების ღირებულება შეადგენს არაუმეტეს 53 953 000 ლარს, 35 თვის განმავლობაში (1064 დღე).

4. ინტერესის გამოხატვა და დაინტერესებული პირისათვის დოკუმენტაციის გადაცემა: კომპანიებს შეუძლიათ ელექტრონულ პროცედურაში მონაწილეობის ინტერესი გამოხატონ და დოკუმენტაცია გადაეცეთ შემდეგი ფორმით: შესყიდვის ელექტრონული პროცედურის განცხადების გამოქვეყნებიდან წინადადების წარდგენის ვადის ამოწურვამდე პრეტენდენტმა საქართველოს სასჯელაღსრულებისა და პრობაციის სამინისტროს ადმინისტრაციის საქმისწარმოების სამმართველოში (ქ. თბილისი გორგასლის 83ა) უნდა წარმოადგინონ წერილი ინტერესის გამოხატვაზე თაობაზე (დანართ N2-ის მიხედვით), რომელსაც თან უნდა ერთვოდეს სახელმწიფო საიდუმლოებასთან დაკავშირებული საქმიანობის ნებართვა (ფორმა N4). აღნიშნულ

შესყიდვასთან დაკავშირებული დაინტერესებული პირისათვის დოკუმენტაცია გაიცემა საიდუმლო ფორმით ინტერესთა გამოხატვიდან არაუგვიანეს მომდევნო სამუშაო დღიდან.

5. შესყიდვის ელექტრონული პროცედურის განცხადებაში მითითებული წინადადების წარდგენის ვადის ამოწურვამდე, პრეტენდენტმა ელექტრონულ სისტემაში უნდა დააფიქსიროს კვებითი მომსახურების საერთო ღირებულება, გამოსახული პირობით ერთეულში. ვაჭრობა გაიმართება მხოლოდ ძირითად დროში დამატებითი რაუნდების გარეშე პრეტენდენტების სატენდერო წინადადებების ანონიმურობის დაცვით.

6. წინადადების მიღების დასრულებიდან 7 (შვიდი) სამუშაო დღის განმავლობაში ფასების ცხრილისა და ტექნიკური დოკუმენტაციის შესაბამისად მოთხოვნილი ინფორმაციის წარმოუდგენლობის შემთხვევაში, კომპანია გამოეთიშება შესყიდვის ელექტრონულ პროცედურას და შემსყიდველი გადავა შემდგომ უმდაბლესი ფასის წარმომდგენ კომპანიაზე.

7. შემსყიდველს უფლება აქვს გადაამოწმოს პრეტენდენტის მიერ შემოთავაზებული ფასების ცხრილი და შეუსაბამოების შემთხვევაში, მოითხოვოს კორექტირება.

8. ელექტრონულ სისტემაში კომპანიის მიერ სავალდებულოა მხოლოდ რეკვიზიტების (დანართი N1) ატვირთვა. შესყიდვის ელექტრონულ პროცედურასთან დაკავშირებული დამატებითი ინფორმაცია და განმარტებები შეგიძლიათ მიიღოთ შემდეგი საკონტაქტო პირისაგან: ანა გიორგობიანი ტელ: 599488715.

კვებითი მომსახურება უნდა განხორციელდეს ქვემოთ მოყვანილი ნორმატიული აქტების შესაბამისად:

1. „ბრალდებულთა და მსჯავრდებულთა კვების ნორმებისა და სანიტარიულ-ჰიგიენური ნორმების განსაზღვრის შესახებ“ საქართველოს სასჯელაღსრულებისა და პრობაციის მინისტრისა და საქართველოს შრომის, ჯანმრთელობისა და სოციალური დაცვის მინისტრის 2015 წლის 13 აგვისტოს №88-№01-34/ნ ერთობლივ ბრძანებაში ცვლილების შეტანის თაობაზე საქართველოს სასჯელაღსრულებისა და პრობაციის მინისტრისა და საქართველოს შრომის, ჯანმრთელობისა და სოციალური დაცვის მინისტრის 2016 წლის 24 ივნისის ერთობლივი ბრძანება №83/№01-22/ნ;

2. „საქართველოს სასჯელაღსრულებისა და პრობაციის სამინისტროს პენიტენციური დეპარტამენტის სპეციალური დანიშნულების ძალების მთავარი სამმართველოს მოსამსახურეთა, საქართველოს სასჯელაღსრულებისა და პრობაციის სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველოს მოსამსახურეთა და საქართველოს სასჯელაღსრულებისა და პრობაციის სამინისტროს სავალდებულო სამხედრო მოსამსახურეთა მატერიალურ-სასურსათო უზრუნველყოფის ნორმების განსაზღვრის შესახებ“ საქართველოს სასჯელაღსრულებისა და პრობაციის მინისტრის 2015 წლის 25 ნოემბრის N165 ბრძანება (ბოლო განახლება (23.06.2016 N75)) ;

პრეტენდენტს მოეთხოვება:

1. სახელმწიფო საიდუმლოებასთან დაკავშირებული საქმიანობის ნებართვა (ფორმა N4)

2. ბოლო სამი წლის განმავლობაში დეკლარირებული კვებითი (მრავალფეროვანი კერძებით უზრუნველყოფილი კვებითი მომსახურების სფეროები: რესტორანი, სასადილო, ქეითერინგ სერვისი ან მსგავსი ტიპის ობიექტები/მომსახურებები) მომსახურების გაწევის დამადასტურებელი დოკუმენტაცია, არანაკლებ 7 000 000 (შვიდი მილიონი) მილიონი ლარის ოდენობით:

2.1.) ანალოგიური მომსახურების გაწევის გამოცდილების დამადასტურებელი სათანადოდ დამოწმებული დოკუმენტაციის ასლები (მაგალითად: პრეტენდენტის მიერ შესრულებული კვებითი მომსახურების გაწევის დამადასტურებელი ხელშეკრულებები, მიღება-ჩაბარების აქტები, საგადასახადო ანგარიშფაქტურები და სხვა);

2.2) ფინანსური ბრუნვის დამადასტურებელი დოკუმენტაცია საქართველოს ფინანსთა სამინისტროს სსიპ შემოსავლების სამსახურიდან, ხოლო არარეზიდენტი პირის შემთხვევაში, შესაბამისი ქვეყნის უფლებამოსილი ორგანოდან, საქართველოს კანონმდებლობით დადგენილი წესით;

3) ბოლო 3 (სამი) წლის განმავლობაში ჯამურად 1 000 000 (ერთი მილიონი) ლარის საერთო ღირებულების კვებითი მომსახურების შემსყიდველის (შემსყიდველების) მიერ გაცემული სარეკომენდაციო წერილ(ებ)ი.

4) პრეტენდენტი რეგისტრირებული უნდა იყოს ბიზნეს ოპერატორად საქართველოს კანონმდებლობით დადგენილი წესით (საქართველოს კანონი „სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსი“) 2014 წლის 1 იანვრამდე;